



9778 18

Broj: 06-11-4138-5/23  
Ilidža, 02.08.2023. godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), člana 90. Statuta Općine Ilidža ("Službene novine Kantona Sarajevo", broj 33/10- Prečišćeni tekst i 18/16) i Zapisnika Komisije za javne nabavke broj 06-11-4138-4/23 od 31.07.2023. godine, općinski načelnik donosi:

## ODLUKU O IZBORU NAJPOVOLJNIJEG PONUĐAČA ZA JAVNU NABAVKU BROJ 72/23

I

U postupku javne nabavke 72/23 **Pružanje usluga internet pristupa na više lokacija za potrebe Općine Ilidža i objekte MZ-a**, prihvata se prijedlog Komisije za javne nabavke za donošenje Odluke o izboru ponude BH TELECOM d.d. Sarajevo kao najpovoljnije, čija cijena ponude bez PDV-a iznosi 12.567,00 KM.

II

Ponuđač BH TELECOM d.d. uz ponudu je dostavio uvjerenja iz člana 45. stav (2) tačka a), b) c) i d) Zakona o javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Konkurentskom zahtjevu.

### Obrazloženje

Na osnovu odluke o pokretanju postupka broj 06-11-4138-1/23 i obavještenja o nabavci broj 888-7-2-171-3-168/23 od 10.07.2023. godine, pokrenut je konkurentski zahtjev za dostavu ponuda za nabavku usluga **Pružanje usluga internet pristupa na više lokacija za potrebe Općine Ilidža i objekte MZ-a**.

Ponude su blagovremeno dostavili sljedeći ponuđači:

1. Europronet Bosnia d.o.o., ul. Tvornička 3, Sarajevo
2. BH Telecom d.d., ul. Franca Lehara br.7, Sarajevo
3. SOFTNET d.o.o., ul. Fra Anđela Zvizdovića br.1, Sarajevo

Pregledom i analizom pristiglih ponuda, Komisija za javne nabavke je utvrdila da su ponude ponuđača BH Telecom d.d. Sarajevo i SOFTNET d.o.o. Sarajevo prihvatljive jer ispunjavaju uslove i zahtjeve iz tenderske dokumentacije.

Ponuda ponuđača Europronet Bosnia d.o.o. Sarajevo je ocijenjena kao nepravilna iz razloga jer ponuda navedenog ponuđača nije uvezana na način propisan tačkom 3. tenderske dokumentacije. Naime, tačkom 3. TD "Sadržaj ponude i način pripreme ponude", propisano je

"Ponuda se čvrsto uvezuje na način da se onemogući naknadno vađenje ili umetanje listova.....**Pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena naljepnicom ovjerenom pečatom ponuđača a u svrhu izbjegavanja manipulisanja stranicama ponude.** Ponuđač Europronet Bosnia d.o.o. je uvezao ponudu na način da je na prvoj strani strani jamstvenik pričvršćen naljepnicom ali isti nije ovjeren pečatom ponuđača kako je zahtjevano tačkom 3. tenderske dokumentacije. S obzirom da ponuda nije potpuna i ne ispunjava zahtjeve iz tenderske dokumentacije ista se odbacuje u skladu sa članom 68. stav (4) tačka i) Zakona o javnim nabavkama.

U skladu sa Pravilnikom o uslovima i načinu korištenja e-aukcije ("Službeni glasnik BiH", br.66/16) zakazana je i održana e aukcija dana 31.07.2023.g., te je shodno Izvještaju o toku i završetku e aukcije utvrđena konačna rang listu ponuđača:

1. BH Telecom d.d. Sarajevo, čija cijena ponude bez PDV-a iznosi 12.567,00 KM.
2. SOFTNET d.o.o. Sarajevo, čija cijena ponude bez PDV-a iznosi 12.600,00 KM

Imajući u vidu navedeno Komisija za javne nabavke predložila je općinskom načelniku donošenje odluke o izboru ponude BH TELECOM d.d. Sarajevo kao najpovoljnije, te je odlučeno kao u dispozitivu.

#### POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od pet dana od dana prijema odluke. Žalba se ulaže ugovornom organu u pisanoj formi direktno, ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur, magistar uprave

#### DOSTAVLJENO:

1. Europronet Bosnia d.o.o., ul. Tvornička 3, Sarajevo
2. BH Telecom d.d., ul. Franca Lehara br. 7, Sarajevo
3. SOFTNET d.o.o., ul. Fra Anđela Zvizdovića br. 1, Sarajevo
4. Služba za finansije
5. Služba za zajedničke poslove ( za objavu na web)
6. a/a

Izradila: Enisa O.M.

Kontrolisao: Benjamin M

